



# SLUŽBENE NOVINE

## KANTONA SARAJEVO

Godina XXI – Broj 5

Četvrtak, 4. februara 2016. godine  
SARAJEVO

ISSN 1512-7052

### SARAJEVO

#### Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 37a stav 1. i člana 43. Zakona o lovstvu ("Službene novine Federacije BiH", broj 4/06, 8/10 i 81/14), Vlada Kantona Sarajevo, na 29. sjednici održanoj 28.01.2016. godine, donosi

#### ODLUKU

#### O IZMJENI ODLUKE O DODJELI SPORTSKO-PRIVREDNIH LOVIŠTA NA PODRUČJU KANTONA SARAJEVO U ZAKUP NAJPOVOLJNIJIM PONUĐAČIMA KOJI ISPUNJAVAJU KRITERIJE UTVRĐENE U JAVNOM POZIVU

##### I

Ovom Odlukom poništava se u tački I podtačka 7. Odluke o dodjeli sportsko-privrednih lovišta na području Kantona Sarajevo u zakup najpovoljnijim ponuđačima koji ispunjavaju kriterije utvrđene u javnom pozivu broj 02-05-17212-24/15 od 18.06.2015. godine ("Službene novine Kantona Sarajevo", broj 24/15) i oduzima se lovište "Ormanj" lovačkom društvu "Bjelašnica" Hadžići.

##### II

Za realizaciju ove Odluke zadužuje se Ministarstvo privrede.

##### III

U ostalom tekstu Odluka ostaje neizmijenjena.

##### IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2254-11/16  
28. januara 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 18. stav 2. i člana 34. Zakona o obrazovanju odraslih ("Službene novine Kantona Sarajevo", broj 40/15), Vlada Kantona Sarajevo, na 29. sjednici održanoj 28.01.2016. godine, donijela je

#### ODLUKU

#### O UPLATI SREDSTAVA OSNIVAČA ZA POTREBE TROŠKOVA VOĐENJA POSTUPKA OSNIVANJA OD FAZE PODNOŠENJA ZAHTJEVA DO OKONČANJA POSTUPKA PO ZAHTJEVU I VISINI NAKNADE ZA ODOBRAVANJE REALIZIRANJA PROGRAMA OBRAZOVANJA ODRASLIH PO ZAHTJEVU PRAVNOG SUBJEKTA REGISTRIRANOG ZA DJELATNOST OBRAZOVANJA ODRASLIH

##### I

Utvrđuju se novčani iznosi koje su obavezni uplaćivati osnivači institucija za obrazovanje odraslih, na Depozitni račun Budžeta Kantona Sarajevo - Budžetska organizacija Ministarstva za obrazovanje, nauku i mlade Kantona Sarajevo - vlastiti prihodi, za potrebe troškova vođenja postupka od faze podnošenja zahtjeva do okončanja postupka po zahtjevu u iznosima kako slijedi:

Osnivanje institucije za obrazovanje odraslih, iznos	3.000,00 KM
Odobranje realiziranja jednog programa obrazovanja odraslih po zahtjevu pravnog subjekta registriranog za djelatnost obrazovanja odraslih, iznos	1.000,00 KM

##### II

Sredstva iz tačke I ove Odluke za osnovne i srednje škole kao javne ustanove planira i osigurava Ministarstvo za obrazovanje, nauku i mlade Kantona Sarajevo u Budžetu Kantona Sarajevo - Budžetska organizacija Ministarstva za obrazovanje, nauku i mlade.

##### III

Raspodjela uplaćenih novčanih sredstava na Depozitni račun Budžeta Kantona Sarajevo - Budžetska organizacija Ministarstva za obrazovanje, nauku i mlade Kantona Sarajevo - vlastiti prihodi, iz tačke I ove Odluke vršit će se u skladu sa Uredbom o utvrđivanju vlastitih prihoda, načina i rokova raspodjele "Službene novine Kantona Sarajevo", br. 24/08 i 23/09) i Pravilnikom o sticanju i raspodjeli vlastitih prihoda Ministarstva za obrazovanje, nauku i mlade Kantona Sarajevo ("Službene novine Kantona Sarajevo", broj 24/11 i 23/13).

IV

Ova Odluka stupa na snagu danom donošenja i biće objavljena u "Službenim novinama Kantona".

Broj 02-05-2254-12/16  
28. januara 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 29. sjednici održanoj 28.01.2016. godine, donijela je

**ODLUKU**

**O DAVANJU SAGLASNOSTI ZA IMENOVANJE  
DIREKTORA JAVNE USTANOVE OSNOVNA ŠKOLA  
"SREDNJE" ILIJAŠ**

1. Daje se saglasnost Školskom odboru Javne ustanove Osnovna škola "Srednje" Ilijaš, da se Refik Kurtović, profesor razredne nastave imenuje za direktora Škole.
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2254-13/16  
28. januara 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 29. sjednici održanoj 28.01.2016. godine, donijela je

**ODLUKU**

**O DAVANJU SAGLASNOSTI ZA IMENOVANJE  
DIREKTORA JAVNE USTANOVE OSNOVNA ŠKOLA  
"PODLUGOVI"**

1. Daje se saglasnost Školskom odboru Javne ustanove Osnovna škola "Podlugovi" da se Admir Abadžija, profesor razredne nastave, imenuje za direktora Škole.
2. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2254-14/16  
28. januara 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i člana 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), a u vezi sa članom 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Vlada Kantona Sarajevo, na 29. sjednici održanoj 28.01.2016. godine, donijela je

**RJEŠENJE**

**O IMENOVANJU KOMISIJE ZA  
NOMINIRANJE/IMENOVANJE NA UPRAŽNJENU  
POZICIJU U UPRAVNOM ODBORU  
UNIVERZITETSKOG KLINIČKOG CENTRA  
SARAJEVO, I TO DVA (2) PREDSTAVNIKA IZ  
KANTONA SARAJEVO, KAO SUOSNIVAČA**

I

U Komisiju za nominiranje/imenovanje na upražnjenu poziciju u Upravnom odboru Univerzitetskog kliničkog centra Sarajevo, i to dva (2) predstavnika iz Kantona Sarajevo, kao suosnivača (u daljem tekstu: Komisija za izbor) imenuju se:

1. Alen Katović, dipl. pravnik - predsjednik
2. dr. Alma Kadić - član
3. Fadila Agić, dipl. ecc. - član
4. Ediba Musić, dipl. pravnik - član
5. dr. Velida Dilberović-Bušatlić - član.

II

Komisija za izbor će pregledati sve pristigle prijave na Ponovni javni oglas za upražnjenu poziciju u Upravnom odboru Univerzitetskog kliničkog centra Sarajevo, i to dva (2) predstavnika iz Kantona Sarajevo, kao suosnivača, te utvrditi Listu sa užim izborom kandidata, prema kriterijima utvrđenim u Odluci o bližim kriterijima za imenovanje u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno ("Službene novine Federacije BiH", br. 54/10 i 59/10).

III

Komisija za izbor će provesti procedure saglasno čl. 10., 11. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13).

IV

Za tehničkog sekretara koji će obavljati administrativno-tehničke poslove za potrebe Komisije za izbor, kao i druge poslove po zahtjevu predsjednika i članova Komisije za izbor, imenuje se Enis Rašidović.

V

Komisija za izbor će Ministrici zdravstva Kantona Sarajevo, putem pisane preporuke predložiti rang listu kandidata sa najboljim kandidatima za imenovanje dva (2) člana Upravnog odbora Univerzitetskog kliničkog centra Sarajevo, predstavnika iz Kantona Sarajevo, kao suosnivača.

Pisana preporuka Komisije za izbor, upućena ministrici zdravstva Kantona Sarajevo, sadržavat će sve relevantne informacije o predloženim kandidatima, po redoslijedu sa Liste o užem izboru.

VI

Komisija za izbor će svoje zadatke obavljati u toku radnog vremena, te shodno tome predsjednik, članovi i sekretar komisije nemaju pravo na naknadu za rad u komisiji.

VII

Ovo Rješenje stupa na snagu danom donošenja, a isto će se objaviti u "Službenim novinama Kantona Sarajevo".

Broj 02-05-2254-20/16  
28. januara 2016. godine  
Sarajevo

Premijer  
**Elmedin Konaković, s. r.**

Na osnovu člana 26. i člana 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03,